

Kodak Color Control Patches

0 10 20 30 40 50 60 70 80 90 100 110 120 130 140 150 160 170

22.66/3  
0247.066  
12

2






新都縣志卷一

星野考

昔黃帝命與蒞占星鬪苞授規正日月星辰之象  
 於是乎有星官之書逮周禮保章氏以星土辨九  
 州之地所封之域皆有分星以觀妖祥甘石以降  
 占驗紛紛其說互異唐宋以後明史天文志最確  
 盖天有歲差之殊地有里差之別不因地以測諸  
 差因諸差以測宮度難與言分野也新都介在廣

知縣事昆陵張





漢蜀郡之交并鬼分野或據晉書郡國所入宿度以爲入參幾度誤矣茲詳列諸史同異庶覽者可參觀而得焉作星野考

史記天官書二十八舍主十二州益州爲參分

漢書巴蜀分并鬼參又云觜觿參主益州

晉書天文志自東井十六度至柳八度爲鶉首又參七度益州入又州郡躔次云觜參魏益州廣漢入參一度越巂入觜三度蜀郡入參一度犍爲入參三度牂牁入參五度巴郡入參八度漢中入參九度益州入

### 參七度

容齋隨筆曰十二國分野上屬二十八宿其爲義多不然前輩固有論之者矣其甚不可曉者莫如晉天文志謂自畢至東井爲實沈於辰在申魏之分野也屬益州且魏分晉地得河內河東數十縣於益州亦不相干謬亂如此而出於李淳風之手豈非蔽於天而不知地乎

隋書梁益於天官上應參之宿

唐書劔南道蓋古梁州之域漢蜀郡廣漢犍爲越巂益



州牂牁巴郡之地總爲鶡首分

宋史益梓利夔四路分井鬼又曰東井輿鬼鶡首也盡巴蜀漢中之地

明史井鬼分四川布政司所屬

河圖括地象岷山之下爲井絡帝以會昌神以建福言蜀之分野也午山張庭云井絡卽鶡首

華陽國志仰稟參伐蜀紀帝居房心決事參伐是爲蜀分

春秋元命苞觜參流爲益州

星經太白金主華陰山涼州雍州益州熒惑主輿鬼柳七星張翼軫太白金主奎婁胃昂畢觜參璇璣者謂北極星也玉衡者謂斗九星也玉衡第二星主益州常以五亥曰候之乙亥爲漢中丁亥爲永昌己亥爲巴郡蜀郡牂牁辛亥爲廣漢癸亥爲犍爲凡七郡

丹元子步天籙天帝西垣第四星曰巴五曰蜀

天文占候太白金主畢觜鎮星主井五車卿星弧矢星俱主益州

一統志成都府井鬼分野鶡首之次



論曰星野之說尚已或曰始春秋梓慎禘竈諸家

或曰戰國術士以當時所有國上配天象

理道要訣云周

季上配天象有十三國呂氏云十二次蓋戰國言星者以當時所有之國分配之

或曰自

軒后以來故世紀言黃帝推分星次以定律度今

考所載國名則言戰國者近是其占驗之法言人

人殊雍主魁冀主樞青兗主機揚徐主權荆主衡

梁主開陽豫主搖光此繫之北斗者也星紀吳越

玄枵齊姬訾衛降婁魯大梁趙實沈晉鶉首秦鶉

火周鶉尾楚壽星鄭大火宋析木燕此繫之二十

八宿者也歲星主齊吳熒惑主楚越鎮星主王子

太白主大臣辰星主燕趙此繫之五星者也天道

在西北而晉不害歲在越而吳不利歲淫玄枵而

宋鄭饑歲弃星紀而周楚惡歲在豕韋而蔡禍歲

及大梁而楚凶此繫之歲星者也

俱見地理通釋陳氏論

其

立說最異者則有若謂漢從歲宋從填唐從熒惑

以一代分屬一星

見日謂岍為角岐為亢荆山為

氏壺口為房以禹貢諸山分配二十八宿

詳見朱錫鬯跋

李淳風於是甲以為輕乙以為軒楚以為鳧越以



爲臯羣言淆亂幾成聚訟之場此孔穎達洪邁羅

泌諸儒所爲各發疑義孔氏曰星紀在於東北吳越實在東南魯衛東方諸

侯遙屬戌亥之分又三家分晉方始有趙而韓魏無分趙獨有之漢書地理志分郡國以配諸次其

地分或多或少或鶉首極多鶉火甚狹徒以相傳爲說其源不可得聞洪氏論見前羅氏曰春秋戰國

地每遷變三晉未分晉果何分秦拔西河魏當何屬周既東西何都而直鶉火陳滅於楚何自而入

韓分甚且斥爲悠謬欲盡廢其說則亦過激之談也

夫天道幽深必不能以管闕盡要不能謂闕管者

之所見非天故衆說異同均可以參觀而不廢且

君子恐懼修省之念何分人已何論町畦則以爲

星野可信固怵然於懸象之著明卽以爲不足憑

亦愈以見天之明命無時無地而不降其監觀者

敬天之至也記稱迅雷疾風甚雨必變中夜必興

豈必謂天譴之爲我哉揚雄曰史以天占人聖人

以人占天知此而諸說之是非直可存而不論矣



井鬼分野圖


星歌

井入星橫列河中靜一星名鉞井邊安雨河各三南北  
 正天鎛三星井上頭鎛上橫列五諸侯侯上北河西積  
 水欲覓積薪東畔是鉞下四星名水府水位東邊四星  
 序四瀆橫列南河裏南河下頭是軍市軍市團圓十三  
 星中心一箇野雞精孫子丈人市下列各立兩星從東  
 說闕邱二箇南河東邱下一狼光蓬茸左畔九箇彎弧  
 弓一矢擬射頑狼曾有箇老人南極中春秋出入壽無窮


新書系志

卷一星野

六







○天記

星歌  
 (鬼)四星册方似木櫃中央白者積尸氣鬼上四星是燿  
 位天狗七星鬼下是外厨六間柳星次天社六箇弧東  
 倚社東一星是天記

輿地志

沿革  
 表 說 疆域  
 形勝 山川 古蹟

周禮形方氏掌邦國之地正其封疆使毋相侵入  
 典至重也新都自漢以來為蜀中三都之一地廣  
 且大厥後分置各郡統轄靡恆所隸既殊稱名亦  
 異其間或合或分或仍或廢茲皆取証史書按籍  
 而求而一以

大清一統志為據表其沿革敘其圖說其疆域之廣狹  
 山川古蹟之可徵信者依類而詳列焉作沿革志



新都縣沿革表 屬成都府

新	都	縣
兩漢	三國	晉
宋齊梁	魏	隋
唐	五代	宋
元	明	
<small>高帝置 屬廣漢郡</small> <small>武帝罷縣 仍屬廣漢郡</small> <small>秦始分置 新都郡於 雒縣以縣 屬之</small> <small>宋齊以益 州領廣漢 以廣漢領 新都縣</small> <small>西魏廢</small> <small>大業初省</small> <small>興樂縣 屬成都府</small> <small>武德復置 屬成都府</small> <small>屬成都府</small> <small>屬成都府</small> <small>屬成都府</small> <small>屬成都府</small> <small>屬成都府</small>		

沿革說

漢置新都縣屬廣漢郡

新都地古為蜀國秦為蜀郡地漢興以秦地太大

加置天下郡國一百有三凡十三州部高帝六年

分蜀郡為廣漢郡始以新都屬焉縣城在今縣東

二里

晉泰始二年分廣漢置新都郡於雒縣以縣屬之武

帝時封王建國太康六年郡國並罷縣屬廣漢郡

為始康郡

入成都縣 始隸蜀郡



晉分天下爲十九州部凡郡國一百七十有三  
泰始二年分廣漢爲新都郡治雒縣於是新都縣  
改隸新都郡咸寧三年帝封其子該爲新都王建  
立國都該薨無子太康六年郡國並罷仍以新都  
縣屬廣漢郡宋齊因之

東晉時中原流民多南渡遂於江漢淮之間僑立  
州郡以撫其民大較宋置州二十有二齊置州二  
十有三以益州領廣漢郡以廣漢郡領新都縣如  
故

梁改爲始康郡

梁氏州郡多沿舊制天監中有州二十三郡三百  
五十其後多有析置乃改新都爲始康縣在今縣  
南二里

西魏郡廢

魏遷洛陽之後有州一百一十一內亂累作國分  
爲二至西魏而始康郡廢

隋開皇十八年改曰興樂縣大業初省入成都

隋開皇三年以官繁民敝廢五百餘郡以州治民



十八年改新都曰興樂縣大業三年省天下諸州置郡一百有九十司隸刺史分部巡察因省興樂入成都始隸蜀郡

唐武德二年復置屬成都府

唐武德元年改郡爲州太守爲刺史二年復置新都縣屬成都府貞觀元年併省州縣因山河形便分天下爲十道開元二十一年又分爲十五道以劔南道領成都府以成都府領新都縣如故五代宋因之

梁唐晉漢周皆以藩鎮更爲帝朝成夕改有如逆旅宋受周禪混而爲一至道三年定天下爲十五路及宣和中漸增爲二十六路或爲益州或爲劔南以成都府領新都縣如故

元屬成都府

元世祖平宋全有版圖立中書省一行中書省十有一分鎮藩服路一百八十有五四川等處行中書省爲路九以成都路領新都縣

明屬成都府



明太祖混一天下定爲兩京十三省以四川等處承宣布政使司領成都府以成都府領新都縣國朝因之

新都舊城讀史方輿紀要在縣治東二里漢縣治此法正依劉璋爲新都令卽此城也唐咸通十一年南詔圍成都東川帥顏慶復馳救次新都別將曹元裕擊敗蠻兵文德元年王建攻陳敬瑄於成都軍新都以逼之大順二年敬瑄黨楊晟欲自彭州餉成都建據新都彭州道絕卽今縣也

始康城讀史方輿紀要治南二里有始康城晉末置始康郡寄治雒始康縣屬焉宋齊因之西魏郡縣俱廢

疆域

在成都府北四十里東西距三十里南北距四十五里東至金堂縣界十五里西至新繁縣界十五里南至成都縣界十五里北至漢州界三十里東南至華陽金堂二縣界二十里西南至成都縣界十里東北至漢州界二十里西北至新繁界二十



五里

形勝

前望龍門後崇石鏡左擁陣圖右環錦水列蓉城之保障達京畿之通衢

遙負雪山銀屏北拱近瞻赤岸紫氣南來清江共錦水夾流毘渡與督橋環繞北門鎖鑰當附省之衝途西土咽喉扼全川之勝勢

地壤膏腴江流清白險不在乎山谿人競稱為都會

山川

麗元山 在縣北八里太平窠宇記麗元山平地特起四絕高三丈上有雙石鏡廣五尺嘗穴

其下至水而未臻其極

龍門山 在縣南十五里明一統志山下有龍洞因名

繁陽山 在縣南十五里眾山連接孤峯特起相傳張道陵嘗修煉於此上有浴丹池通仙井

麻姑洞舊志以在繁水之陽因名

赤岸山 在縣南十七里山赭色岸邊常有光似火因名高一百四十五丈周三十一里一名宋興

成山即府北之宋興山也按邑中平衍無山惟西南一帶土嶺自金堂入縣界達成都其間因地著景因景著名雖名號各殊皆不出此山之外



新婦泉

在縣東七里李膺益州記云在縣東北五里有新婦泉什邡縣界亦有新婦水初二婦勤於奉養晨夜負汲不憚

清白江

即湔水也在縣北三十里漢志綿筦縣玉壘山湔水所出東南至江陽入江呂忱云

一名半浣水宋河渠志新石洞口溉導江崇寧九隴濛陽達於漢之雒是為湔水今按水導源岷江

東北流逕灌縣崇寧至彭縣界玉村河自西來入之玉村河源出彭縣五峯山即玉壘山郭景純所

謂玉壘作東別之標者也又東北流逕住春林正流入新繁新都金堂為錦水河北一支東北流入

新繁分二支一支入新都為督橋河北一支逕三邑橋入漢州界為清白江經彌牟鎮北亦名彌牟

水宋趙抃嘗涉此水曰吾志如此江清白雖萬類混淆其中不少濁也因是得名

督橋河

在縣東北十里清白江分流也自新繁流入又東二十里入金堂界李元蜀水經沱

江又東分支東北流為督橋河通志金堂繡川河上流即督橋河自新都流入東南曲流十五里過

金堂縣城西南至斜灘渡入前江前江即昆橋河

長連河

在縣東十里自督橋河分支逕黃草堰至復興菴入金堂界

錦水河

在縣西南八里沱江正流也自新繁流入天緣橋安瀾橋下其正河南流十五里入

昆橋河其一支自白水堰分流為水何河一名飲馬河經縣西南一里灌溉田畝又東十七里至新

場入金堂界

昆橋河

在縣南十里沱江分流也自新繁縣流入在縣界昆橋河下合錦水河又東二十五

里至瓦窑灘下入金堂界九域志昆橋水源自灌口流入新繁名九井河相傳李冰所鑿象九宮以

壓水怪又東流入縣界合錦水河



龍門河 在縣南十五里小毘河分流也自三河塲

之岐而復合者

白螺泉 在縣北五里東流二十五里至新金橋入

春作設祭泉則湧出

清泉 在縣南十七里益州記赤岸山頂有湧泉

新婦峴 通志在縣北七里

古蹟

麻姑洞 名勝志縣西南十五里繁陽山山中有麻

姑洞即陽平治之別名也在繁水之陽因以為名本際經云天師張道陵所遊太上說經之處為二十四化之第一衆山連接孤峰特起神武

皇帝潛龍之時光化二年己未五月四日丙申山土摧落洞門自開縣吏時康道士張守真等以事申府云自洞門開後每日有百姓往來者府差縣典楊澤畫工任從與守真同往簡覆畫圖申上稱把燈燭入洞看視其第一門對北高二尺濶三尺五寸入至第二門約五尺已來第二洞門方一尺六寸入內並是黑處長一丈二尺濶六尺有石窟兩處在東畔并西南有洞門兩路南畔一路圓濶一尺六寸入內長一丈二尺濶一丈高四尺南畔有石窟三處西畔兩路入內通遠門圓濶一丈七尺內各濶五尺高六尺已來門相去一丈門屋一所高五尺濶四尺從內往來有刻料拱甃瓦約山作石日月兼作日字月字隔子房一所濶二尺五寸高一尺五寸刻料拱甃瓦石竈一所高一尺濶一尺五寸門濶五寸石窟三處各濶七尺又西入洞門圓濶一尺七寸灣曲入向南門屋一所高六尺濶四尺從內來往有石料拱甃瓦又有竈模兩所共一牀高一尺濶二尺三寸門濶八寸有石料



拱西北角又有一門方一尺六寸內方二丈已來  
 南畔西畔北畔各窟一所南角又有一洞圓潤一  
 尺六寸已來將燈燭近前有黑氣出燈火即滅更  
 入不得其洞連接繁陽本山相去三里已來據諸  
 生張贊等狀稱繁陽是古迹山每雉勅祭祀其洞  
 亦是元有往往閉塞元和中南康王韋臯蒞蜀洞  
 忽開時人咸云洞開即年豐物賤尋又閉塞至是  
 復開其後果遠近豐稔洞本名麻姑山側有麻姑  
 宅基蓋修道之所也

雙石鏡寰宇記麗元山在縣城北八里平地特起

四絕高三丈有雙石鏡廣五尺嘗掘其下至水而未臻其極

雙石闕即王稚子墓前石闕也後有宋陽安劉涇  
 記云西漢循吏稱文翁葬於成都其石室在學官

東漢循吏稱王稚子葬於郫縣即今之新都其石  
 闕在道旁然石室依古禮殿得不廢滅而石闕獨  
 暴露骨立可憐歷兩漢千二百餘年間二人為古  
 今吏師而遺跡亭亭勢叅峨嵋氣凜雪山蓋官學  
 者所當臣於下風以幸教髮髯而至有未及者其  
 不遑如此予訪古石類得秦石犀石笋漢石室石  
 柱石闕凡物五若犀笋與柱無甚損益事而石闕  
 苟不朽則實二人之甘棠也於是新都令王君天  
 常趣古甚力得予說因請大尹莆陽蔡公為稚子



作屋書榜以昭昏昏按闕面有隸字三十一法度  
勁古過於鍾梁闕上下有衣冠鳥獸等象僅可辨  
氣韻精簡過於顧陸並以告來者王士禎蜀道驛  
程記云王稚子闕下方上銳疊石如累碁其巔如  
蓋覆之望之如宰堵波狀疊石凡五層二層刻人  
物之形三層象虎海馬五層獅子也又記後人題  
字今錄於此宛邱李昇符季士宏鄒詹權眉張剛  
壬午歲季冬廿四日龍舒陳口公觀此建中靖國  
元年洛陽張戡岷江張剛汴西馬中行同迓大尹

清源口

行楷橫書  
在第三層

唐安張察先至紹興八年秋八

口伯疆口漢同徠

八分橫書  
在第四層

建安吳棧口赴鎮明

年二月口皆謁漢循吏王口城東秉同之激口

行書

直下在  
第五層

若渾筍與桂口也於是新都口大尹蒲陽

口桂恐是柱之訛渾當是犀字

行楷書直下  
在第五層

金石

錄云按後漢書循吏傳王渙字稚子嘗為温令而  
石刻為河內令者盖史之誤渙以元興元年卒然  
則闕盖和帝時所立也朱竹垞云漢書河內郡有  
温縣無河內縣所謂河內縣合者謂河內郡之縣



令也史未嘗誤方綱按洪氏隸續已云謂河內之縣令爾卽温也碑中縣字反系作縲今以所見舊拓本驗之信然同王稚子闕洪氏隸續所錄凡三見其第五卷第十三卷皆各爲之圖一圖其闕式一圖其畫象也又其第二卷別出雒陽稚子一題云右先置雒陽稚子六字其大小與王稚子闕相若而波磔不越乎規矩之外亦刻於稚子闕上但殘闕不具無先後之序愚按此六字卽其額也不應別出一題其置字蓋卽靈字之譌耳又新城王

文簡秦蜀驛程後記詳錄闕上題記之文按文簡此記作於康熙三十五年丙子在黃子羽爲新都令倩工拓碑後之五十三年而其時不但雙闕具存且闕上所刻人物象虎海馬獅子之形及逐層後人題記之字皆無恙則黃子羽作令時其完好更可知矣然此拓本漫漶太甚蓋出於工人之鹵莽若州字中直之岐出河字下點令字上半皆屬描失且其上數層之文皆置之不拓誠可憾也然洪氏所得拓本又在黃子羽之前五百年而已譌



靈為置則其剝泐已久又可知也前年門人陳和軒觀察入蜀以拓本見寄則僅存雒陽合一闕及闕後陰之二半行耳然其拓法轉勝於此本以是嘆善本之難得而此册雙闕具存尤可貴也予既重感秋盒所獲之不偶因為遍考前人著錄之文臨寫於後翁方綱跋小蓬萊閣金石文字崇正十三年太倉黃翼聖知四川之新都縣余按隸釋以二闕字屬之至十七年解縣事歸出此為贈云二闕已橫卧榛莽中各失其下牛截矣此後四川兵戈雲擾人煙斷絕正不知二闕尚存否也洪趙所藏二闕俱有全文故知其名漢歐陽所藏止刺史一闕而又失去王君下二字遂不知為何人止據雒字去水加佳為光武以後

字定為後漢人耳苟非洪趙兩君子則今之見二闕者何從知其為稚子哉丁酉正月顧荅記又云漢王稚子石闕載洪趙二錄甚詳崇正庚辰余之官新都即古郫縣道旁二闕儼然在焉癸未余量移彰南命工榻數本以歸中間殘闕共十一字據葛君常云吳中藏本皆同其漫滅自何年已不可考矣歲次屠維大淵獻如月望日攝六老人識金石圖闕在新都縣北十二里官道西墓前高一丈五尺闕三尺厚二尺五寸字徑三寸五分東向按王君闕有二其一云漢故先靈侍御史河內縣令新城王文簡秦蜀驛程後記所錄西闕正面曰漢故先靈侍御史河內縣令王隸書其陰曰西漢循吏云云行楷直下書又云石闕闕字中畫已失之矣然此陰以今拓本驗之乃是雒陽合一闕之陰非河內線一闕之陰也文簡蓋偶誤記耳又云拓本楷書二半行乃王稚子闕之陰殘字也



八陣圖在縣北二十里彌牟鎮

益州記稚子關北五里有武侯八陣

圖土城四門中起六十四魁八八為行方一丈高三尺緯畧曰八陣圖在新都者峙土為魁植以江石四門二首六十四魁八八成行兩陣並峙周凡四百七十二步魁百二十有八寰宇記在縣北三十里蜀志諸葛亮傳曰亮推演兵法作八陣圖咸得其要圖經入陣凡三在夔者六十有四方陣圖法也在彌牟鎮者一百二十有八當頭陣法也在碁盤市者二百五十有六下營法也碁盤市亦曰南市在廢廣都縣名勝志新都八陣圖在彌牟鎮去縣北二十里學佺以萬曆己酉歲三月過之有詩云曉雲不散彌牟鎮春草橫生八陣圖按舊壘踐踏漸平乾隆五十五年知縣薛諧律補修如故道光十七年二月邑庠馬中良等控告羅鳳岐熊應壽等修造房屋毀滅古蹟邑令張奉書親往踏看將侵占地界清出共丈計三十六畝四分四釐七毫四絲圖堆現存七十一堆餘俱無存立案存據

唐僖宗行殿遺礎

名勝志治北寶光寺後有柱礎圍丈二尺圓徑二尺高尺八寸

唐僖宗避黃巢至蜀遣御史賈璽書召知元國師憇息其地掘地得石函中有如來舍利尋建浮圖以瘞之仍建精藍曰寶光按塔乾隆年間傾圮邑人高明遠培修前有佛幢一係永樂時建石礎舊有盧師師銘楊慎詩今俱不存詩載藝文銘則不可得見矣

平遠軒在新都驛

宋建劉望之有詩今廢

南亭

唐張說有新都南亭送郭元振盧崇道詩

王氏園

在彌牟鎮今廢宋文同有詩

月波池

在縣西半里廣四百餘丈通志池水清潔四時不涸宏治初年堙塞作稻田今痕尚

在明教諭方芾邱嵩皆有詩舉人楊廷宣有月波行



桂湖在縣署前橫過學宮下至魁星閣左角廣四

重濬為湖以復古蹟作記以述其事道光十二年

邑令汪澍就基址結舫居方亭岸南建觀音堂湖

東建樓供倉頡朱衣諸像水閣依其旁十七年邑

令張奉書蒞任以是湖為升菴先生遺跡即應祀

先生十九年春鳩工庀材購湖東隙地以益之斥

其樓閣以為前後廳祀先生像於中右為水閣左

跨湖為舫壘石為山湖中築臺為月夕吟眺處湖

中植蓮並小舟三迤東建殿宇奉諸神像規模始

為大備有碑

記詳見藝文

五丁擔寰宇記今都內及毗橋側有一折

石長丈許云是五丁擔土擔也

新都縣志卷二

輿地志

建置

城池

關塞

鄉場

津梁

古者建國啟宇必先設險衛民故周官有掌固之

職自城郭溝池樹渠而外靡不經之理之凡以表

雄圖宣治化也邑距省會四十里北門鎖鑰城郭

所關尤距他如正公署謹倉儲慎刑獄置驛傳以

及關隘鄉鎮津梁表坊因公而設者何莫非民社

所寄茲並附於建置俾守土者隨時修飭本末具



舉庶幾無曠厥職予作建置志

城池明正德初知縣張寬百戶湯聘莘合砌石城高一丈八尺周九里三分計一千六百七十四丈城樓四門四東瞻雲南響明西挹錦北輝光外環以壕知縣韓奕以南門臨河增置月城

國朝乾隆三十年知縣曹焜重治城垣嘉慶十六年知縣宮鑑桂重修城樓顏以匾額東錦城保障南瑞靄龍門西文獻名都北祥凝寶藏

關塞

彌牟鎮在縣東十五里省會進京大道武侯常演八陣於此

軍屯鎮在縣北二十里昔常屯軍故名

毘橋在縣西十里省會進京大道設有塘舖在此復興場俗名新店子在縣南二十里山勢連綿下通潼川諸路

永清橋在縣東二十里漢新交界限以長江省會

進京大道較他處爲要

按舊橋爲水衝決今移下數十丈在漢州

河吞場在縣北二十里通新繁大道



三邑橋在縣北二十五里漢新彭三處交界

牛頭鎮在縣東一里明史石砭女土官秦良玉敗

賊牛頭鎮復新都即此

鄉場

安樂鄉

利水鄉

崇禮鄉

美泉鄉

八陣鄉

此前明之五鄉也今分爲水四甲回三甲  
老六甲高一甲吳三甲新三甲共二十甲

馬家場在縣西十二里交新繁界

永新場在縣東十六里原名新興場道光二十二

年場民屢遭回祿呈請更名永新場

津梁

飲馬橋

在縣西一里嘉慶十四年知縣王如琯  
募金重建長七丈高一丈濶九尺零

天緣橋

在縣西八里乾隆二十七年知縣董作錦  
砌建長三十三丈七尺高一丈三尺濶一

丈橋兩頭建兩坊道光二十一年水冲塌七石  
邑民王美基獨力培修添建石欄詳請議敘

安瀾橋

在天緣橋北嘉慶十年知縣喻曰泗因天  
緣橋河水衝齧於橋北數丈許添建此橋

以宣洩水勢保固舊橋撰有碑記計  
長十二丈七尺高一丈二尺濶一丈

毘橋

在縣西十里晉永寧初李特攻成都遣其弟  
驤軍於毘橋唐咸通十一年南詔攻成都成

都將王晝以援兵軍毘橋遇蠻前鋒與戰不利退  
保漢州既而將軍宋威敗蠻軍於毘橋即此乾隆

乙酉橋圯知縣曹焜  
重建有碑記載藝文



狀元橋 在縣東一里嘉慶十六年知縣宮鑑桂募金重建長三丈七尺高七尺濶一丈

封賜橋 在縣東五里嘉慶十六年邑人楊英華等募金重建長二丈八尺高九尺濶一尺五寸

督橋河 在縣東十里嘉慶十三年邑人募金補修長八丈三尺高一丈二尺濶八尺

太平橋 在縣東北十八里乾隆二十一年邑人共建長三丈三尺高七尺濶八尺

清白橋 在縣東北二十里乾隆六年邑人李世臣等募金砌修長十三丈高一丈濶九尺道

光十七年兩岸波岸日漸冲塌募金移建下游四丈道光二十一年北岸被冲邑人劉承厚魏象高

劉清源三人捐金培修長十一丈二尺高一丈六尺濶一丈詳請議敘

永清橋 在清白橋北乾隆五十一年被水冲塌漢州民募金砌建道光十一年

張先詔獨力捐修移下數十丈漢州界內更名先德橋道光二十年六月被水冲塌二十一年三月

新都職員楊時春等漢州職員陳景祥等募化培修漢州知州劉退亮更名向陽橋長二十三丈高

一丈五尺濶一丈四尺按此橋今既移建漢州界內本邑可以不載然原始係由新都移建且揚

時春等好義急公之舉亦不可沒也附志於此

安樂橋 在縣北十八里乾隆二十一年邑民向茂坤喬文彩募化建修道光十八年士民劉

文舉等捐金重修

雞蹤橋 在縣北二十五里彌牟鎮北後唐長興三年孟知祥以董璋克漢州將兵赴援至彌

牟鎮趙廷隱陳於鎮北明日陳於雞蹤橋別將張公鐸陳於其後董璋陳於武侯廟下知祥登高塚

督戰大敗東川兵即此橋也今廢見顧祖禹讀史方輿紀要



清源橋 在縣南關外明少保楊春勅建嘉慶十三年邑人張貴募金增修長八丈高一丈二尺濶

一丈濶

學士橋 在縣南一里明少師楊廷和建長二丈高七尺濶八尺

永濟橋 在縣南六里嘉慶六年邑人共建長四丈二尺高八尺濶六尺

同慶橋 在縣東十八里嘉慶四年邑人共建長六丈高一丈濶六尺

黃家橋 在縣東二十五里乾隆十七年邑人共建長五丈高九尺五寸濶六尺

德陽王橋 在縣南十里舊名大小毘橋水勢極險往來病涉明德陽王勅建有嘉靖十八

年修橋碑字已模糊橋今圯

新華橋 在縣南二十里地名裴騾寺有碑與華陽接壤

惠慶橋 在縣南十里地名泥巴沱岔河道光十四年邑人嚴逢泰募修橋長八洞其正河與

成都縣大東嶽廟相連往來二船交渡每歲新成二邑渡夫官收河租

七星橋 在縣南五里原名和尚橋萬歷二十七年小東嶽廟住持募修至乾隆十五年橋圯

有寺鄰王詔舒其昌任其玉韋國松張拱辰等七人募化重修更名七星橋有碑記

凌波橋 在縣南八里小東嶽廟右乾隆三十六年辛卯中秋後七日邑令孫烈重修有碑記

興陽橋 在縣南七里道光二十一年首事陳義馬鳳鳴袁德馨等重修

見龍橋 在縣南十里長四洞乾隆庚辰募修道光八年重修有碑記

普利橋 在縣北十一里康熙四十九年邑人共建長五丈四尺高六尺濶六尺

大成橋 在縣北二十里乾隆五十四年邑人補修長五丈高八尺濶五尺



桂花橋

在縣西四里乾隆六十年建修

鶴齡橋

在縣西七里乾隆二十九年建修

樂善橋

在縣西十里舊名塌水橋道光六年周清等捐募建修二十三年周渭等捐募培修

善繼橋

在縣西十里舊名板板橋嘉慶二十一年周清等捐金建修

翔鳳五馬二橋

在縣西七里舊有五馬店今廢乾隆五十四年周煥元等捐募建修

知縣薛諧律題匾額曰餘慶對聯云利濟長材差擬仲舒之寶帶康莊大道直追蔡守於洛陽刊於碑

八陣礮

雍正壬子年建乾隆三十二年丁亥趙文達募化補修道光二十二年溫際泰等募

化重修

永濟礮

一名瞿家橋乾隆三十四年羅振乾等募修

廣濟礮

雍正八年建嘉慶七年周永秀等募化重修

凱歌橋

雍正五年建乾隆三十八年曾永秀等募化重修

積福礮

乾隆二十九年曾永秀等募修

寧封礮

交金堂界乾隆二十六年王子都等募修嘉慶十五年重修道光四年沈名珠等培

修

興隆礮

嘉慶元年張洪誥等募修二十一年李覺楹等補修

餘慶橋

一名新石橋乾隆二十六年馬作正等募修乾隆四十七年補修道光七年補修

集善橋

乾隆二十六年黃雲龍等募修



青雲橋 乾隆三十一年 周繼盛等募修

龍門橋 乾隆三十一年 鄧天耀等募修

餘善橋 乾隆五十五年 李天瑞等募修

仁壽橋 乾隆三年 嘉慶元年 重募修

國清橋 乾隆三十二年 道光八年 蕭國典等重修募化

龍洞橋 乾隆二十八年 乾隆二十八年 彭家橋交金堂界乾

桂綉橋 乾隆二十六年 周繪等募修

臥龍橋 乾隆三十四年 李希貴等募修 嘉慶二十三年 雷先德等補修

通順橋 乾隆十八年 羅聖和等募修 嘉慶十三年 溫文和等補修

通濟橋 一名凌雲橋 乾隆三十年 侯琮等募建

瓦陶灘渡 在縣南 十五里

塌水橋渡 在縣西 十里

清白江渡 在縣北 二十里

馬家渡 在縣西 十五里

芍家灘渡 在縣南 十二里 在縣南十五里 邑人杜楊陳譚四人捐

張家菴渡 在縣南 十五里 邑人杜楊陳譚四人捐 費募化置田數十畝 造船二隻 雇工撐

渡無論遠近 分文不取 名爲普濟 渡稟官永定章程 刊碑道左



縣署在城西南隅明正德中建

國朝康熙六年知縣畢成英重修乾隆四十五年知縣孫烈謹克慎補修

大門三間 儀門三間

聖諭牌坊一座

大堂三間 科吏房東西各五間 庫房一間

抱廳一座 門房三間 二堂三間 過廳一座

東西廂房各三間 東書房二間 西書房一間

三堂三間 東西廂房各二間 西花廳三間

東西廂房各二間 後書房三間 廚房三間

典史署在縣署右爲楊升菴故宅乾隆十一年典

史趙宏勛捐修乾隆四十六年典史鈕正細培修

大門一間 儀門三間 大堂三間 書辦房三

間 二堂三間 三堂三間 左右廂房共六間

廚房三間 獄在縣署西

倉廩在縣署內共七十二間

儒學教諭署在

文廟右康熙四十年建修乾隆六十年教諭張泰寧捐



募重修道光十年教諭廖堂重修儀門明倫堂二  
十二年教諭羅家修培修二堂

明倫堂三間 二堂三間 左右廂房各二間

訓導署在

文廟左康熙五十九年建修道光九年訓導蕭大潤重

修明倫堂

明倫堂三間 二堂三間 左右廂房各二間

把總署在南街坐西向東嘉慶九年把總尹大雄

二十年把總王聯陞相繼增修道光十年達騰昭

培修

大門一座 兩側差房共三間 二堂三間 書

房二間 廚房二間 後圍房三間 馬房一間

大堂側稿房半間 簽押房一間

演武廳在縣東文昌宮側知縣張奉書建

火藥軍器局

陰陽學

醫學

僧會司



道會司

養濟院在縣西乾隆五十六年知縣諶克慎建置田一百一十二畝四分七釐五毫五絲六忽

嘉慶十七年水二甲監生劉珩捐施田九畝四分道光五年首事冉志昌楊大澤周澍梁玉麟周濤高樞買置老三甲廖家碾水田十六畝六分四釐八毫

道光十八年邑令張奉書置買新二甲石頭堰灌溉水田七十九畝零八釐四毫係米廠餘銀

道光二十一年邑令張奉書置買水四甲水田十六畝零養濟院餘銀

道光二十二年新一甲陳韶捐施水田二畝一分五釐九毫

二十二年前首事周濤周澍楊光俊梁懋勳新首事廖曷陳于培趙啟賢魏開霖將養濟院餘銀置買吳三甲水田六畝零

原設孤貧五十六名口道光十七年至二十一年邑令張奉書添設四十四名口現足一百名口添



建房屋八間

行館在東街

為往來大小官差棲息之所

頭門三間 二門

大堂三間

大堂右客廳一

向 右廂房三間

東有茶房二小間 西有廚房二小間

茶房有

大廚房三間 二堂三間

川廳一兩廂各三間

三堂三間 川廳一

東西走廊二

廁房二間

小行館

與行館相去不數武南北相向

大門 二門 上房五間

川廳一間

左廂房

三間 右廂房五間

復興場行館一在縣東二十里道光十八年知縣

張奉書新建官廳二向六間兩廊六間小官廳一

間頭門三間轅門二間轅門外左右舖房三間週

圍牆垣

驛傳

新都廣漢驛在縣署左因廣漢郡得名

國朝初年設立東至漢州站五十里至德陽縣旌陽

驛九十里西至成都縣錦官驛四十里原設站馬

三十匹馬夫十五名雍正六年進征西藏南路夫



馬不敷馳遞抽撥新都縣驛馬二匹馬夫一名協  
濟化林坪平定西藏後未經撤回其每年夫馬工  
料係新都地丁銀內扣留批解新都現在驛馬二  
十八匹每匹日支草料銀六分歲支草料銀五百  
九十四兩七錢二分馬夫十四名每名日支工食  
銀四分八釐歲支工食銀二百二十七兩八錢八  
分八釐又化林坪馬二匹夫一名共歲支工料銀  
五十九兩四錢七分二釐三共支銀八百九十二  
兩零八分

一全年倒斃馬九匹每匹支買補價銀八兩共銀  
七十二兩每匹扣解皮臙變價銀五錢截扣二日  
草料銀一錢二分二共扣銀五兩五錢八分

一全年每馬一匹照依湖北之例添修棚廠槽鑪  
銀一兩四錢二分共馬三十四匹共應支銀四十二  
兩六錢

以上總共支銀一千零六兩六錢八分扣解銀五  
兩五錢八分

鋪遞



新都縣額設舖司四塘

毘橋河舖在縣西十里與成都縣北界交連

玉皇觀舖在縣東關外

督橋河舖在縣東十里

藍家店舖在縣東二十里與漢州西界交連

營制

原設成都城守左營分防新都汎右哨頭司把總一員道光十七年總督鄂 奏將原設新都汎城守左營右哨頭司把總移赴崇慶汎將原駐防叩

州汎城守右營右哨頭司外委移駐新都汎作爲城守左營右哨二司外委改歸城守左營守備管轄共領馬步戰守兵三十五名內塘遞文報馬兵三名毘橋河玉皇觀督橋河藍家店四塘步兵二十名駐防步兵十二名步兵內戰兵八名守兵二十四名

明舊設洪驛舖子來舖彌牟鎮舖龍門舖四舖

今廢

水利志



堤堰

古者命司空視原野修隄防遠溝瀆蓋以水利資  
 人力以補天工也蜀自李冰鑿離堆壅江作壩穿  
 二江於成都之中灌溉各郡文翁穿湔洩口作湔  
 堰沃野千里民用富饒厥後章仇兼瓊高駢魏了  
 翁劉際亨等規地為隄分江作堰利賴溥焉新都  
 渠堰皆導源於壩口都江堰今考其源流分合詳  
 列於篇俾後之司牧者得以因時制宜隨勢利導  
 不致冲決壅滯之虞將見民歌樂利戶謹蓋藏含

嬉鼓腹於

太平之世矣作隄堰志

新都水利發源灌口都江堰其分流有四南條為  
 錦水河毘橋河北條為清白江督橋河

錦水河由崇寧石壩子分為錦水河下灌新繁新  
 都金堂至趙家渡合大河由新繁宋漣堰入新都  
 界分為

馬沙堰

在縣西二十里

白水堰

在縣西十五里

錦江堰

在縣西十三里

上

鐵椿堰

在縣西十里

下鐵椿堰其下游泥巴沱合毘水



至瓦窑灘入金堂界

龍門河由成都三河場入新都界分爲

千工堰 在縣南十五里 龍門堰 在縣南二十里 紅沙堰 在縣南 其正

流入金堂界

清白江由新繁界內分爲

火燒堰 楊柳堰 蘿蔔堰 興隆堰 新開堰

以上堰在新繁水歸新都灌田 又分爲三尺堰 新都界 流水堰 陞

冲堰 天星堰 在縣北十五里 老流堰 半邊堰 粟米

堰 上馬棚堰 在縣北十二里 下馬棚堰 在縣北二十里 其正

流至向陽場入漢州界

督橋河清白江分流一名繡川河由新繁楊柳堰

入縣界分爲

瓦子堰 新開堰 老鶴堰 石匣子 土巴堰

石匣子又分 回回堰 蓮花堰 小堰子 土

巴堰至督橋河又分南北二河 南河分爲 金

斗堰 趙村堰 石頭堰 黃土堰 北河分爲

二扒堰 吳家堰 新開堰 下流入金堂界

清白江分流一支由新繁蘿蔔堰入縣界分爲



趙家堰 蔣家堰 官堰 樊家堰 板板堰

石堰 柳家堰 沙沙堰 包家堰

清白江分流一支由新繁興隆堰入縣界分爲

竹閘堰一里黃金堰三里金牛堰一里豆腐堰八里楠木堰

瓦窰堰 螃蠏堰 黃土堰 古老堰 瓦子堰

兩河口分爲南北二河南河分爲 上沙堰 下

沙堰 北河分爲 藍布堰 馬札堰 下流入

金堂縣界

清白江分流一支由新繁新開堰入縣界分爲

鍋底堰分爲南北二河南河分爲 趙家堰 董

家堰 回水堰 張家堰 劉家堰 黃土堰

板板堰 高堰子 熊家堰 截箕堰 矮子堰

周家堰北河分爲 和尚堰 規槽堰 冉家

堰 元通堰 許家堰 魏家堰 陳家堰 黃

金堰 雙水堰 劉家堰

桂花橋河錦水河支流由新繁馬沙堰入縣界

吊筒堰 靈觀堰 古大夫堰 踏馬堰 麥黃

堰 踏馬堰分爲 觀音堰 木通堰 娃娃堰



石地堰 賀家堰 牛角堰 梘槽堰 牛角堰

分爲 瓦窰堰 下合白水堰河

水利河錦水支流由白水堰分爲

小白水堰 桂花堰 頭堰 二堰 三堰 學

門堰 清涼堰 蕭公堰 天星堰分爲 板橋

堰 土地堰 油榨堰 沙堰子 麥黃堰下游

金堂分水堰金斗堰至康家渡合大江

毘橋河水自郫縣三道堰與府河分流由新繁界

麥黃堰入新都二里腰堰子以為洩水計恐水太泛濫傷損糧田下約三里

上鵝項頸里許楊柳堰半里許下鵝項頸二里許劉家

堰即今石堰二里餘土芭堰二里許礫礮堰其正流自此數里經

鐘嘴東林寺仍入毘河

邑舉人魏用之新都水利考昔在神禹敷土奠山

決九川濬畎澮奏庶艱食水利之興權輿於斯矣

然梁州之域岷嶓既藝渠堰不傳禹豈忘民之利

哉蓋漉沉澹菑未遑及其細也降及秦漢李冰鑿

離峯壅江作壩穿郫江檢江灌溉三郡文翁穿湔

澗口作湔堰溉田千七百頃民得其饒是謂流膏



沱湔浸沃至今稱焉自時厥後水門提闕踵事而興由漢及明墾闢倍多浸漑益廣然常志紀蜀不載新邑渠堰歐史志地里一渠之開一堰之作無不紀之其縣之下而新邑弗書豈故沒其事歟抑在上者盡父母斯民之責不以興一制立一政沾當時之譽故弗彰歟夫任其能竭其力以爲其所當爲而不求其傳於紀載此賢者事也徵文考獻以爲百世之鑑又後來者責也然則考其源委詳其規畫以知生民立命之原水利之志其可或略

歟夫湔新邑東北之巨浸也自都江而下益以蒲陽南溪瀾濛諸水其流遠其澤沃其流遠則受天陽者多其澤沃則發地力者速故民之引以漑者其收皆畝二鍾湔之分流以十數清白江爲大堰於清白江者以百數楊柳堰爲大由楊柳而南爲蘿蔔堰爲興隆堰爲新開堰爲三尺堰爲流水堰爲天星堰爲老流堰爲半邊堰爲粟米堰而上馬棚下馬棚縮穀其口經始之功書缺有間矣而民之食其利者至於今不衰豈所謂流膏者耶湔邑



東北流沱西南流沱之源首受都江都江而下爲  
北條河東過唐昌爲沙子河又東過繁爲毘河夫  
毘亦邑之巨浸也毘之傷多沃野旱則引水浸潤  
雨則杜塞水門記曰水旱從人不知饑饉其毘之  
謂乎而堰之功不關於邑者不具書書其在邑者  
曰麥黃堰新開堰近乎毘者曰錦水錦水亦邑西  
南之巨浸也其源分於崇寧之石壩錦水勢紆迴  
石壩遏其衝當夏漲石落河身淤墊錦水之來者  
不及十之三故民間歲首以淘石壩爲先務而上

馬沙宋漣白水錦江上下鐵椿諸堰以次舉介於  
湔與錦水之間者曰繡川繡川水滌澗岸堅無衝  
突之虞川之旁其民好稼穡勤五穀地重重爲邪  
其畝入歲可二鐘而贏其爲堰也曰瓦子堰曰新  
開堰曰老鸛堰曰石匣子曰土巴堰由石匣而分  
堰者三曰回回堰曰蓮花堰曰小堰由土巴堰而  
下爲南河爲北河南河之堰四曰金斗堰曰趙村  
堰曰石頭堰曰黃土堰北河之堰三曰二扒堰曰  
吳家堰曰新開堰凡堰之事十有五而繡川亦邑



東北一巨浸也襟帶乎縣城者曰水利河河導源  
錦水之白水堰其水曲如環自邑西折而東南流  
岸高逾尋丈田之高者不易溉居民多爲筒車以  
引水故水利河諺謂之筒車河而田之低者仍資  
乎堰曰小白水言踵白水而興也曰桂花以種植  
名也曰頭堰二堰三堰以數紀也對峙於城之南  
曰學門縣爲明楊文憲公故里薰其德而善良明  
經飭行者比比故文學之盛以堰名也跂立於城  
之隅者曰清涼地舊有清涼寺寺廢而堰存也曰

蕭公曰天星曰板橋曰土地曰油榨曰沙堰或以  
人紀或以神紀或以物紀也凡堰之事十有三而  
城隅又得一巨浸焉此其大者有梁有柱有閘有  
蓋有抱耳有送水有梅花椿有菱角堯有蛇蚶籠  
其於人也有長有吏有夫有約有甲其於材也有  
金堂峽之石有岷江之竹箭有灌口之榷柵杞梓  
松柏豫樟其取民也有以畝計有以糧計有以田  
之數計其作之以時也自冬徂春縣於是責之長  
長於是責之吏若夫其用之不濫也歲終則會吏



以是會計於長長以是會計於民而其巡而察之也則在良有司之留心民事不以地遠爲勞不以堰多而倦且夫賢者之舉事也豈惟是興制改法飾小民之觀聽云爾哉必將斟酌乎瀦蓄之宜詳悉乎宣洩之利經畫乎疎淪決排之功經緯條貫脈絡交通洩而不竭蓄而不盈然後斯民無旱乾水溢之憂不煩督責而農事無不治夫舟輿衣服之用餅盂簞笠筐筥釜之器爲之者猶欲極乎美善况隄堰之制固國賦民生攸賴者乎且上

之勞於民者亦未易一二盡也一邑之中有大堰有小堰大堰官督民爲之小堰則每歲聽民自舉然上之咨於民者猶恐不至也歲云春矣府以告於縣曰汝鳩汝工都江其放堰汝毋後時縣以告於民曰汝鳩汝工都江其放堰汝毋後時當是時趨者集者任者輦者挽者曳者縛者錘者度材木者細載來者坐而結者立而營者深淘若鶴俯啄者小大斬斬毋或惰偷毋或訾窳然後知順天時通地利利物曲裕民力舉於一堰寓之夫豈以堰



之小者民自爲功而遂擯而不書也哉今試卽其  
小者紀之湔之支流由蘿蔔堰而分者爲趙家堰  
爲蔣家堰爲官堰爲樊家堰爲板板堰爲石堰爲  
柳家堰爲沙沙堰爲包家堰凡堰之功九邑之田  
溉者十之一而其制罔不同湔之支流由興隆堰  
而分者爲竹閘堰爲黃金堰爲金牛堰爲豆腐堰  
爲楠木堰爲瓦窰堰爲螭蟬堰爲黃土堰爲古老  
堰爲瓦子堰未已也東播爲兩河由南河而下爲  
上沙堰爲下沙堰由北河而下爲藍布堰爲馬札

堰凡堰之功十有四邑田之溉者十之三而其制  
罔不同湔之支流由新開堰而下者爲鍋底堰堰  
之南歧爲趙家堰爲董家堰爲回水堰爲張家堰  
爲劉家堰爲黃土堰爲板板堰爲高堰爲熊家堰  
爲戳箕堰爲矮子堰爲周家堰堰之北歧爲和尚  
堰爲規槽堰爲冉家堰爲元通堰爲許家堰爲魏  
家堰爲陳家堰爲黃金堰爲雙水堰爲劉家堰凡  
堰之功二十三邑田之溉者十之三而其制罔不  
同此皆導源於清白江者也若夫導源於錦水者



自馬沙堰而東爲釣筒溝爲靈官堰爲大夫堰爲踏馬堰爲麥黃堰未已也東別爲觀音堰爲木通堰爲娃娃堰爲石地堰爲賀家堰爲牛角堰爲枳槽堰未已也又東別爲瓦窰堰凡堰之功十有三邑田之溉十之二而其制罔不同導源於沱水者馬鞍河亦曰小毘江由成都千功堰東別爲龍門堰又東爲黃沙堰凡堰之功三邑田之溉者不及十之一而其制亦無不同此其遠者相去十餘里近者七八里至近亦二三里旱則閉以留之潦則

開以洩之溝洫通而水利溥斥鹵之地化爲膏腴而地之沃者無論也沱湔沃壤之稱其以是乎至若與湔異源者邑之北則白螺泉而高堰韓家堰高家堰封口堰作焉南則小西江而石包堰田家堰劉家堰作焉大者溉百頃小者潤一隅深淘低作在在多有節宣之功不可勝數夫邑之西北地高而水亦高滋液滲漉固無生不育也邑之東南地高而水深水深者無滄沒田疇沉溺廬舍之懼而灌溉嘗艱故民間作堰有水平有水則有水約



有水輪往者都水之官不思權變之制因陋就簡水輪嘗患不足今

天子愛養民生興修水利一時司水府者因時制宜都江大堰逾於前者數百丈而民間朝暮之輪崇讓息爭此豈徒多黍多稌為豐亨豫大慶哉衣食足而禮讓興唐虞三代之民蓋將於渠堰之成見之矣

新都縣志卷三

食貨志

田賦 積貯 社穀 濟穀 人丁 戶口  
雜稅 鹽課 茶課 蠲政 物產

昔禹貢序梁州厥田下下厥賦下上上錯後世乃有揚一益二之稱秦少游曰培灌功至使然德清胡氏禹貢雖旨亟然其說西蜀州縣自

國初當凋瘵後有土無民其時建議者或謂土滿失耕招徠宜急迄今百餘年來煦育安輯遂使石田棄地盡為良疇惟正之供輸將恐後益



朝廷休養之澤深矣而秦氏所云不益可驗哉雖然昔之蜀土滿爲憂今之蜀人滿爲患土滿者人可使聚人滿者土不能增則食時用禮之經不可不講求也而既富方穀沃土不材邑民亦當思所以善其後哉作田賦志

明賦役全書原額稅糧八千三百五十六石四斗二升九合二勺六抄三撮

戶口起運布政司庫銀四十二兩一錢零六釐遇閏加銀四兩二錢二分五釐五毫 存留本縣戶

口鈔銀八兩六錢

驛傳銀一千八百三十五兩零六分一釐三毫除去監府銀二十五兩八錢四分二釐免編外撥運本府協濟各驛傳銀一千八百零九兩二錢一分九釐三毫

丁糧額辦均徭原編銀一千八百三十三兩四錢三分三釐遇閏柴薪每名加銀一兩各役工食照例加徵

民壯原編二百名共銀一千四百四十兩遇閏照



八兩徵

夫馬原編銀一千零七十三兩六錢遇閏照例加徵

公費原編銀四百九十二兩一錢八分五釐五毫

國朝自康熙六年奉文清查起至雍正七年徵輸科則

全書原載稅糧一千六百五十六石六斗八升六

合五勺六抄二撮五圭四粒九粟 人丁六百三

丁四分四釐二毫二絲六忽 丁條糧銀二千九

百一十五兩一錢八分四釐六毫八忽二微三塵

二纖二沙二渺 上田每畝載糧一升三勺四抄

中田每畝載糧八合 下田每畝載糧六合三勺

三抄三撮三圭 上地每畝載糧六合 中地每

畝載糧四合 下地每畝載糧二合五勺 每糧

一石徵糧銀一兩一錢三釐六毫七絲一忽四微

三塵五纖 每糧一石徵條銀四錢八分八毫三

絲四忽八塵二纖 每糧二石七斗四升五合三

勺九抄三撮六圭七粒三粟載丁一丁 每丁徵



銀四錢八分八毫三絲四忽八塵二纖

自雍正七年奉文清丈起至現在徵輸科則

上中下田地共二千六百一十五頃四十八畝四分四釐四毫五絲一忽六塵四纖 內上田一千一百九十九頃二十一畝五分三釐一毫五絲一忽六塵四纖每畝徵丁條糧銀一分八釐一毫九絲四忽七微五塵七纖 中田三百七十七頃一十五畝五分八釐每畝徵丁條糧銀一分四釐七絲七忽一微八塵二纖 下田二百八十一頃七

十三畝二分七釐六毫每畝徵丁條糧銀一分一釐一毫四絲四忽三微七塵七纖 上地三百三十五頃二十七畝二分九釐六毫每畝徵丁條糧銀一分五毫五絲七忽八微八塵六纖 中地一百五十七頃八十三畝四分四釐六毫每畝徵丁條糧銀七釐三絲八忽五微九塵一纖 下地二百六十四頃二十四畝三分一釐五毫每畝徵丁條糧銀四釐三毫九絲九忽一微一塵九纖除學田四畝九分不徵丁糧外現徵丁條糧銀三千六



百九兩七錢七分四釐一毫四絲七忽一微三纖  
九沙六渺七漠

一知縣一員歲額俸銀四十五兩養廉銀九百兩  
額設衙役二十九名內門子二名皂隸十二名馬  
快八名轎傘扇夫七名每名歲支工食銀六兩共  
支銀一百七十四兩改設件作三名每名歲支工  
食銀六兩隨學件作二名每名歲支工食銀三兩  
共支銀二十四兩又設立民壯二十名每名歲支  
工食銀八兩共支銀一百六十兩額設禁卒一十

二名更夫十名每名歲支工食銀六兩共支銀一  
百三十二兩又捕役二名每名歲支工食銀六兩  
共支銀一十二兩又斗級二名倉夫四名每名歲  
支工食銀六兩共支銀三十六兩設立縣屬底舖  
督橋彌牟藍家毘橋共五舖共設舖司兵二十名  
每名月給工食銀五錢歲共支銀一百二十兩遇  
閏照數加增

一儒學教諭一員訓導一員每員歲額俸銀四十  
兩共支銀八十兩額設衙役四名門斗二名膳夫



二名每名歲支工食銀六兩共支銀二十四兩

一典史一員歲額俸銀三十一兩五錢二分養廉

銀八十兩額設衙役六名內門子一名皂隸四名

馬夫一名每名歲支工食銀六兩共支銀三十六

兩

文廟春秋祭祀銀一十六兩又增銀十二兩

武廟春秋祭祀銀一十六兩

山川社稷風雲雷雨二壇春秋祭祀八兩內酌撥銀

二兩致祭厲壇酌撥銀四錢六分致祭

龍神祠

文昌廟春秋祭祀銀一十四兩

一廩生二十名每名歲支餼糧銀三兩二錢共支

銀六十四兩

一站馬三十匹每匹日支草料銀六分歲共支銀

六百三十七兩二錢馬夫一十五名每名日支工

食銀四分八釐歲共支銀二百五十四兩八錢八

分廩給口糧銀三十兩棚廠槽鋤每匹每年支銷

銀一兩四錢二分歲共支銀四十二兩六錢倒斃



馬九匹每匹買補價銀八兩歲共支銀七十二兩  
至倒斃馬匹皮臟變價銀兩解貯按察司庫廳候  
撥支

常平倉貯穀二萬八千石

濟田知縣李應元捐銀一百兩知縣楊道南捐錢  
一百千文紳糧共捐錢三千三百二十千零一文  
置買田一百一十畝零七分二釐零一絲載糧一  
兩九錢每年收市斗租穀一百三十石嘉慶二十  
五年經總督蔣 奏准將濟田改爲堰田將每年

租穀變價解都江堰歲修工銀一百四十六兩七  
錢六分伍釐七毫解水利同知竹價銀五十四兩  
道光二十二年知縣張奉書將歷年租穀變價申  
解餘銀添置濟田十二畝四分七釐五毫五絲三  
忽每年收市斗租穀二十三石六斗

社倉

水一甲迴龍寺共社倉四廩共貯社穀七百八十六  
石七斗四升六合五勺 共貯同善穀三十八石  
四斗九升六合



白水寺社倉一廩貯社穀二百三十六石八斗七升三合九勺 貯同善穀十一石一斗九升六合  
王家樓共社倉四廩共貯社穀一千一百八十二石三斗二合四勺 共貯同善穀五十七石九斗零八勺

水二甲南峯寺共社倉四廩共貯社穀六百一十二石六斗九升四合 共貯同善穀二十六石八斗三升三合六勺

雙水寺社倉一廩貯社穀二百五十九石八斗六

升一合二勺 貯同善穀十石零八斗五升八合  
華藏寺共社倉二廩共貯社穀二百零二石三斗九升三合九勺 共貯同善穀八石三斗七升二合

後寺共社倉五廩共貯社穀五百八十石零四斗四升 共貯同善穀二十五石五斗四升四合

水三甲東林寺共社倉三廩共貯社穀七百六十八石七斗三升七合七勺 共貯同善穀二十九石五斗八升八合



白水寺共社倉五廩共貯社穀一千一百九十九石三斗一升八合一勺 共貯同善穀四十六石九斗六升五合八勺

水四甲華藏寺共社倉五廩共貯社穀九百七十一石八斗零二合四勺 共貯同善穀二十五石七斗五升六合一勺

觀音庄共社倉五廩共貯社穀一千零三十三石零六合九勺 共貯同善穀二十五石四斗三升六合九勺

關帝廟共社倉三廩共貯社穀六百三十石零八斗五升四合六勺 共貯同善穀十六石零六升零五勺

老一甲彌陀院共社倉十廩共貯社穀一千四百二十九石七斗四升二合八勺 共貯同善穀五十四石零七升三合七勺  
獅子菴社倉一廩貯社穀一百三十四石二斗八升 貯同善穀五石零二升

老二甲淨方寺共社倉五廩共貯社穀一千零六十



石零八斗零七勺 共貯同善穀四十四石五斗八升一合

石家菴共社倉六廩共貯社穀一千零一十一石五斗六升一合七勺 共貯同善穀四十六石九斗八升二合一勺

後寺共社倉二廩共貯社穀四百八十四石二斗五升二合四勺 共貯同善穀二十二石三斗六升四合二勺

南峯寺社倉一廩貯社穀二百一十五石六斗二

升 貯同善穀九石六斗二升

東嶽廟社倉一廩貯社穀一百四十一石七斗九升零九勺 貯同善穀六石一斗三升一合五勺

老三甲東嶽廟共社倉五廩共貯社穀七百零九石六斗一升六合二勺 共貯同善穀二十四石二斗三升六合五勺

雙水寺共社倉四廩共貯社穀五百五十六石二斗七升一合九勺 共貯同善穀十八石五斗八升四合



南峯寺社倉一廩貯社穀一百七十石零六斗六升二合六勺 貯同善穀五石八斗零三合

石家菴社倉一廩貯社穀一百一十七石一斗三升九合三勺 貯同善穀三石八斗六升三合

普利寺社倉一廩貯社穀一百七十九石零八升三合 貯同善穀六石一斗一升九合五勺

老四甲琉璃寺共社倉九廩共貯社穀一千三百零一石五斗三升五合六勺 共貯同善穀三十五石二斗二升九合九勺

寶光寺社倉一廩貯社穀一百六十三石六斗零

三合 貯同善穀五石一斗九升一合七勺

二郎廟共社倉六廩共貯社穀一千三百七十石零二升九合一勺 共貯同善穀四十七石零三

升一合

老五甲琉璃寺共社倉三廩共貯社穀五百三十石零九斗二升五合五勺 共貯同善穀十一石七

斗二升六合五勺

靈官祠社倉一廩貯社穀二百零八石四斗五升



八合一勺 貯同善穀四石七斗九升

普利寺共社倉九廩共貯社穀二千二百三十三

石三斗九升一合三勺 共貯同善穀五十石零

一斗一升五合八勺

下河西共社倉二廩共貯社穀三百九十六石五

斗零六合三勺 共貯同善穀八石五斗一升八

合

老六甲白馬寺共社倉二廩共貯社穀四百八十九

石八斗零九合二勺 共貯同善穀十六石五斗

五升九合八勺

王家菴共社倉七廩共貯社穀一千三百八十石

零九斗三升零一勺 共貯同善穀四十六石八

斗六升一合八勺

三聖宮社倉一廩貯社穀一百八十四石一斗五

升六合二勺 貯同善穀六石二斗九升九合六

勺

吳一甲師家菴共社倉三廩共貯社穀六百二十七

石七斗九升二合五勺 共貯同善穀三十二石



一斗五升八合一勺

東岳廟共社倉五廩共貯社穀七百七十六石九斗五升零六勺 共貯同善穀三十九石零二升一合

涂家廟社倉一廩貯社穀七十石零七斗六升六合一勺 貯同善穀三石四斗八升六合四勺

吳二甲張家菴共社倉四廩共貯社穀七百五十一石七斗七升六合 共貯同善穀三十石零七斗九升六合七勺

白衣菴社倉一廩貯社穀二百零八石四斗五升 貯同善穀六石八斗三升

泗洲院共社倉三廩共貯社穀五百八十四石二斗一升九合七勺 共貯同善穀二十五石一斗八升

鎮靜菴社倉一廩貯社穀九十四石三斗六升七合 貯同善穀三石九斗一升二合三勺

吳三甲正因寺共社倉四廩共貯社穀四百三十二石三斗八升八合四勺 共貯同善穀十四石零



五升二合一勺

鎮靜菴共社倉六廩共貯社穀六百九十六石二斗四升七合二勺 共貯同善穀二十四石零八升二合

白衣菴共社倉四廩共貯社穀八百二十九石六斗三升八合二勺 共貯同善穀二十七石一斗五升七合一勺

新一甲白塔寺共社倉五廩共貯社穀五百七十二石八斗零二合 共貯同善穀九石九斗六升零

七勺

嚴家寺共社倉四廩共貯社穀四百三十四石三斗一升三合五勺 共貯同善穀七石六斗九升五合

張家菴社倉一廩貯社穀九十七石八斗六升二合 貯同善穀一石七斗四升四合

楊家菴共社倉三廩共貯社穀三百一十二石九斗五升六合四勺 共貯同善穀七石八斗二升三合四勺



川主廟社倉一廩貯社穀二百七十四石九斗六

升六合五勺 貯同善穀四石九斗八升五合

文昌宮社倉一廩貯社穀一百八十八石二斗一

升六合一勺 貯同善穀三石四斗五升

觀音堂社倉一廩貯社穀八十一石六斗八升零

六勺 貯同善穀一石四斗三升一合

雙桂寺社倉一廩貯社穀五十一石九斗四升

貯同善穀九斗五升

新二甲報恩寺共社倉七廩共貯社穀一千二百零

二石九斗七升九合五勺 共貯同善穀四十一

石零二升零四合

張家菴社倉一廩貯社穀一百四十一石九斗三

升 貯同善穀四石八斗五升

新三甲張家菴共社倉二廩共貯社穀三百六十二

石九斗零八勺 共貯同善穀十一石五斗七升

四合

新寺共社倉六廩共貯社穀一千七百零七石一

斗九升零四勺 共貯同善穀五十石零七斗六



升五合

觀音庄共社倉二廩共貯社穀一百七十二石四斗三升一合 共貯同善穀五石五斗八升四合  
同一甲雙元寺共社倉五廩共貯社穀八百五十三石八斗九升七合六勺 共貯同善穀二十四石四斗四升二合

華嚴寺共社倉三廩共貯社穀二百六十石零四斗七升三合四勺 共貯同善穀七石三斗二升三合

觀音堂共社倉九廩共貯社穀六百七十一石七斗二升九合八勺 共貯同善穀十九石三斗九升四合四勺

文昌宮社倉一廩貯社穀二十五石四斗一升三合 貯同善穀九斗四升九合三勺

同一甲雙元寺共社倉二廩共貯社穀五百五十九石五斗八升八合 共貯同善穀二十八石九斗三升

馬家寺社倉一廩貯社穀二百六十六石五斗八



升四合 貯同善穀十六石零七升五合

回三甲甘露菴共社倉五廩共貯社穀六百四十九石一斗五升六合七勺 共貯同善穀十三石七

斗一升九合

彌陀院共社倉三廩共貯社穀三百零八石二斗零三合四勺 共貯同善穀六石五斗四升八合

八勺

唐家寺共社倉七廩共貯社穀一千零六十九石七斗四升 共貯同善穀二十石零六斗七升八

合

觀音堂社倉一廩貯社穀一百一十六石九斗五升五合五勺 貯同善穀二石四斗九升三合四勺

觀音庄社倉一廩貯社穀五十二石零二升四合 貯同善穀一石一斗一升零七勺

龔家廟社倉一廩貯社穀七十五石五斗零九合 貯同善穀一石三斗七升六合

以上共社倉二百二十七座共貯社穀三萬八



千四百一十八石九斗四升五合八勺

共貯同善穀一千三百二十六石二斗五升

戶口 人丁

國初原載六百三丁雍正六年奉行清查承糧花戶

計一千九百五十五戶人丁一萬一千七十九丁

乾隆六十年報 部實在承糧花戶計四千五百

七十一戶人丁五萬四千二百五十一丁嘉慶十

七年報 部實在承糧花戶計二萬一千三百七

十八戶人丁八萬三千六百八十五丁嘉慶二十

五年報 部承糧花戶二萬一千七百四十二戶

人丁八萬四千三百五十丁道光十年報 部承

糧花戶二萬二千零五十一戶人丁八萬四千九

百九十一丁道光二十四年報 部承糧花戶二

萬二千二百二十六戶人丁八萬五千三百八十

五丁

雜稅

國朝賦役全書載碾課每座徵銀二錢四分榨課每

根徵銀二錢四分磨課每座徵銀二錢四分牙帖



每張徵銀一兩或二兩不等田房稅契每兩徵稅  
銀三分歲無定額儘收儘解以上各項俱起運藩  
庫收貯

新都縣碾磨課銀四十一兩八錢八分

鹽課

雍正八年原額行鹽認銷潼川陸引四百五十九  
張認銷射洪陸引三百六十三張乾隆三十三年  
請增三臺資州陸引三十張共陸引八百五十二  
張係赴各廠採配每張徵正稅銀二錢七分二釐

四毫羨餘銀四錢二分七釐六毫截角銀四分八  
釐共徵正稅銀二百三十二兩零八分五釐羨餘  
銀三百六十四兩三錢一分五釐二毫截角銀四  
十兩零八錢九分六釐總共徵稅羨截銀六百三  
十七兩二錢九分六釐

乾隆三十六年請增行鹽水引四十張係赴犍爲  
廠採配每張徵正稅銀三兩四錢零五釐羨餘銀  
二兩二錢九分五釐截角銀六錢共徵正稅銀一  
百三十六兩二錢羨餘銀九十一兩八錢截角銀



二十四兩總共徵稅羨截銀二百五十二兩  
一額行鹽陸引八百五十二張水引四十張陸引  
每張遵例配鹽四百六十觔共配鹽三十九萬一  
千九百二十觔水引每張遵例配鹽五千七百五  
十觔共配鹽二十三萬觔以上行鹽水陸引共八  
百九十二張總共配鹽六十二萬一千九百二十  
觔俱係遵例運回新都縣地方發賣行銷經過之  
處並無設立官員盤查關隘其課稅亦無奉文增  
減

茶課

雍正八年原額行茶腹引三十張每張權課銀一  
錢二分五釐共權課銀三兩七錢五分每張徵稅  
銀二錢五分共征稅銀七兩五錢每張徵截角銀  
一錢二分共徵截角銀三兩六錢每張徵羨餘銀  
九分八釐共羨餘銀二兩九錢四分每張配茶一  
百一十觔共配茶三千三百觔赴什邡彭縣二廠  
採買運回新都地方發賣經過之處並無設立官  
員盤查稅課亦無奉文增減



新設當戶每歲徵課銀五兩

蠲政

康熙二十五年奉

上諭川省久遭賊累宜培養以厚民生所有康熙二十年應徵各項地丁錢糧通行豁免二十五年未完錢糧悉與豁免

康熙三十二年奉

上諭川省俱屬邊地土瘠民艱所有康熙三十三年應徵地丁銀米通行蠲免

康熙四十二年恭逢

恩詔恤民以免錢糧爲要川省極邊之地所有康熙四十三年應徵地丁錢糧通行蠲免

康熙四十九年恭逢

恩詔普免天下錢糧自明年始於三年以內通免一周川省首沾

優渥所有應徵地畝人丁銀全行蠲免

雍正七年奉

上諭藏苗寧謐沛澤川民着將庚戌年額徵地丁銀兩



新考原元 卷三  
悉行蠲免

乾隆十一年奉

上諭御宇周旬格外加恩將川省應徵地丁錢糧通行蠲免

乾隆十三年奉

上諭川省軍興不無供億之繁着將己巳年地丁錢糧再行緩徵

乾隆三十五年恭逢

皇上六十誕辰沛非常之恩將川省次年應徵地丁錢

糧通行蠲免

乾隆三十八年奉

上諭四川金酋不法所有辦米辦夫等處額徵地丁錢糧分別繁簡等第酌行蠲免

乾隆四十年奉

上諭官兵經過之地差務最繁將川省應徵地丁錢糧分別等第酌緩征

乾隆四十二年奉

上諭恭逢



皇太后九旬萬壽將天下錢糧三年輪免川省於戊戌年全行蠲免

乾隆五十五年恭逢

皇上八旬萬壽奉

恩詔四川應徵錢糧通行蠲免成都府屬至五十八年蠲免

乾隆六十年奉

上諭紀年慶符周甲丙辰元旦舉行歸政典禮將嘉慶元年各直省應征地丁錢糧通行蠲免川省向無

積欠着加恩輪免

嘉慶六年奉

上諭四川總督勒 奏川省紳耆捐輸銀數請將嘉慶

七年應徵地丁錢糧蠲免成都等五十七廳州縣蠲免十分之二

嘉慶二十五年分應徵地丁銀兩欽奉

恩旨六旬萬壽蠲免十分之二

道光六年甘省凱撤官兵過境由里民捐幫夫馬應付之處欽奉



恩旨蠲免十分之四奉總督部堂戴 奏

准於道光八年地丁銀內補免六年地丁正項十分之

四

道光七年甘省凱撤官兵過境由里民捐幫夫馬

應付之處欽奉

恩旨蠲免十分之四奉總督部堂戴 奏

准於道光九年地丁銀內補免七年地丁正閏十分之

四

物產

穀之屬

和土人謂之小米有六十日大粒黃堆子秬滿田

青竹萼青蘭溪白茶 秬俗作粳土人謂之大米亦

沙田白冷糯有金釵糯金絲糯紅鬚糯響鈴大麥

小麥 邑地高燥宜麥 蕎麥 俗呼 脂麻 胡麻也

色三稜四稜 粟 梁之細者有早 稌 說文稷即稌有

五稜之殊 晚秬糯之別 紫小紫大黑小黑褐

菽長如蘆葦 豆 大白小白大紫小紫大黑小黑褐

羊角豆刀豆六月黃八月 包蘆 稷而大外有衣包

裏之有紅 香穀 味香美粟穎 龍爪粟 形似五爪



蔬之屬

葱 慈葱俗名四季葱 薤 一名火葱 韭 蒜 大蒜為葫小蒜

五七瓣或有龍爪 蘭香 呼醫子草以其子治醫也 胡

菱 因石勒諱胡改稱香菱又呼 菠薐 一名赤根菜

錄 菠薐種自西國有僧將其子 芥 一名辣菜大芥

來云是頗陵國種訛為菠薐 芹 生竹中者曰竹芹 蘇 有

皺紋色深碧葉多缺刻 芹 生水中者曰水芹 蘇 青

紫二色紫 苘 蒿 葉有缺刻 苘 有赤苘白苘 馬齒苋

者入藥 神農本草 苋 實一名馬苋 陶注今馬苋 苜蓿 土人

別一種布地生實至微細俗呼馬齒苋 苜蓿 謂之

菜 蒿 苣 一名苦蕒 通苣錄苦蕒菜有二一為苦 青菜

灰 蒿 苣 一名苦蕒 通苣錄苦蕒菜有二一為苦 青菜

粉 菌 類甚多最佳者惟麥熟菌所謂軟濕青黃 筍

竹行鞭時掘取嫩者謂之鞭筍 冬月 茄 一名落蘇

未出土者為冬筍 鹽曝者為鹽筍 尺 菜 瓜 一名越

三 黃 瓜 一名胡 絲 瓜 餘勳絲如網 菜 瓜 一名越

色 黃 瓜 瓜有刺 絲 瓜 餘勳絲如網 菜 瓜 一名越

質 南 瓜 形橫圓 冬 瓜 形長如枕皮厚有毛初生青

脆 南 瓜 而豎扁 冬 瓜 絲 瓜 經霜則皮如塗粉謂之白

冬 瓜 有重至 瓠 葫 蘆 今人謂甘者為瓠苦者為

二 三 十 觔 者 瓠 葫 蘆 今人謂甘者為瓠苦者為

蔬之屬

葱 慈葱俗名四季葱 薤 一名火葱 韭 蒜 大蒜為葫小蒜

五七瓣或有龍爪 蘭香 呼醫子草以其子治醫也 胡

菱 因石勒諱胡改稱香菱又呼 菠薐 一名赤根菜

錄 菠薐種自西國有僧將其子 芥 一名辣菜大芥

來云是頗陵國種訛為菠薐 芹 生竹中者曰竹芹 蘇 有

皺紋色深碧葉多缺刻 芹 生水中者曰水芹 蘇 青

紫二色紫 苘 蒿 葉有缺刻 苘 有赤苘白苘 馬齒苋

者入藥 神農本草 苋 實一名馬苋 陶注今馬苋 苜蓿 土人

別一種布地生實至微細俗呼馬齒苋 苜蓿 謂之

菜 蒿 苣 一名苦蕒 通苣錄苦蕒菜有二一為苦 青菜

灰 蒿 苣 一名苦蕒 通苣錄苦蕒菜有二一為苦 青菜

粉 菌 類甚多最佳者惟麥熟菌所謂軟濕青黃 筍

竹行鞭時掘取嫩者謂之鞭筍 冬月 茄 一名落蘇

未出土者為冬筍 鹽曝者為鹽筍 尺 菜 瓜 一名越

三 黃 瓜 一名胡 絲 瓜 餘勳絲如網 菜 瓜 一名越

色 黃 瓜 瓜有刺 絲 瓜 餘勳絲如網 菜 瓜 一名越

質 南 瓜 形橫圓 冬 瓜 形長如枕皮厚有毛初生青

脆 南 瓜 而豎扁 冬 瓜 絲 瓜 經霜則皮如塗粉謂之白

冬 瓜 有重至 瓠 葫 蘆 今人謂甘者為瓠苦者為

二 三 十 觔 者 瓠 葫 蘆 今人謂甘者為瓠苦者為



積因唐宋諱薺菜俗名喜海椒土人謂之辣子出

有紅黃二種土人薺菜喜菜磨芋繁陽山形似金瓜冬莧菜 苦瓜

果之屬

梅 杏 桃 李有玉黃李櫻桃 葡萄亦作蒲

二石榴甜者謂之天漿又有林擒亦名花紅羣芳

能來眾禽於柿實大而長者為牛心柿梨青皮梨

晚稻棠俗名木汁梨霜後黑棗 甘蔗 落花生

栗爾雅謂榛俗呼銀杏即白果一名鴨腳又名

橙一名橘木瓜有二種香而僅供玩好者為香瓜

蓮實 菱爾雅菱謂之英光菱謂之蕨壘武芡有

頭雁頭烏 枇杷即盧山查爾雅謂之机核如無花

果一名映日果一名優曇鉢 柑亦名木奴又香櫟

一名枳椇即金鈎一名木蜜

藥之屬

芝有紫白二色澤蘭一名都梁香兔絲一名兔縷

女蘿 菖蒲水生者名昌陽葉大如茴香種小者名

艾爾雅謂之冰臺可葇珠即蕙苾陶隱居云生

葇艾多百病又名炙草葇珠交趾者子最大呼為



糖土芎即芎南星梗似荷葉如蒟蒻枝相抱花似蛇頭穗似石榴子根似芋而圓

柴胡急就篇此胡白芨根有三角似黃蘗即蘗木俗

名黃細辛根細而味極辛故名今人以杜杜仲名

木五加皮亦名文章草夏枯草一名鐵色草薄荷

一名菝葜又名南草烏亦名瞿麥爾雅作前胡苗

荷以別胡薄荷也蒼朮即赤蓼一名水牛膝廣雅

一二尺色似斜蒿葉如野菊而細瘦瓜蒌爾雅謂荆芥一名蘇稀莶一名火蒼

牛槐花爾雅謂覆盆子爾雅謂香薷今作香薷似鼠黏子

耳即卷香附子莎根也一名雀頭麥門冬一名

即牛旁子一香附子香葉莖都似三稜

禹爾雅謂天門冬之蘂冬蝦蟆衣即車前詩所益母草即

蔚牡丹皮名蛾五味子爾雅葇莖蓖麻

子葉似大麻馬鞭草一名龍牙草方莖葉似益母

子子如牛蠅牽牛子又名白丑黑何首烏本名交藤因何首

雄白一名忍冬其南沙參一名白苦參一名

者雌花為金銀花南沙參一名白苦參一名

苦詩山有苞杞是蒲公英一名黃女貞子長

識也俗呼狗嬾子冬青殊

木之屬

梓楸之疏理白桑類甚多所產者惟荆桑檠山柘



松 又一種鐵幹龍鱗名鳳栢 又一種扁而側生

杉 古作槐 花可檀 有黃白 榆 大榆 二月生 莢 冬青

葉圓 紅柳 楊 柳性耐水 黃楊 性堅緻難長 歲長一

楓 似白楊 葉 椿 烏白 柅 柳子可取油 為燭 梧桐

其子似乳 綴其上 岡 梧 子可取油 棕 櫚 高丈許 葉

下有毛如髮 皂角 一名 茱萸 實似椒 羅漢松 子如

西河柳 一名 觀音柳 橡 其實可授 橙 音 鼓 三年即

詩 濯錦江 邊木 有橙 蘇東 坡 詩 橙木 三年已足 燒

附竹 鳳尾竹 觀音竹 慈竹 百甲竹 蘆竹

花之屬

牡丹 多紫色 芍藥 一名 將離 杜鵑 亦名山躑 山茶

種不一 最 薔薇 一名 望春 名木 筆 又 瑞香 有黃紫

諸色 雪毬 綉 白茶 藤 又名 雪縷 絡 白木香 花如紫

荆條 一名 滿 夜合花 蘭 一幹 數花 曰 蕙 翦 紅羅 卽

春 梔子 卽 薝 山丹 一名 紅 玉簪 亦名 白鶴 萱 忘憂

草 荷 卽 芙蓉 紅白 海棠 貼 梗 海棠 垂絲 海棠 木瓜

海 棠 綠 筋 為 葵 蜀 葵 今 名 一 丈 紅 秋 葵 卽 桂 者 名

銀 桂 黃 者 名 金 菊 種 甚 多 有 一 莖 一 花 重 臺 黃 芙



蓉即拒霜花紫薇一名怕木槿詩所謂迎春花一名

丁香一名木蓮夜來香藤本花玫瑰一名徘徊罌粟一名米雞

冠有掃帚雞冠扇面雞冠最矮者名壽星雞冠金鳳

俗呼染石竹一名石菊又名月月紅即月季一名

絕金錢一名金榜及第花丁香一名百結葉似茉莉

六月雪樹小觀音蓮即一瓣蓮又名旱金蓮秋開

遠望類佛小青似淡竹葉似老少年一名雁子午

蓮水中生者蓼花俗謂之年景花荷苞牡丹根即珍珠蘭海

柿子子午開花旌節花俗謂之年景花水仙花凌霄花

紫藤花上二種俱魚子蘭棣棠花燈盞花

晚香玉附樹而生金絲桃曼陀羅花夾竹桃僧

鞋菊根即胭脂花有紅黃臘梅原名芭蕉一名天

竺一名大椿

羽之屬

黃鳥即倉郭公即布穀食鶉鳩又謂之鶉鳩似班

兩則逐其雌屬班鳩古之杜宇即子規一名杜

竹雞一名泥白鷗似雉色白背有細黑文翬雉

諱雉改鷹即鷓魚鷹鷹之抓魚喜鵲一名鳩鵲山

稱野雞物產



鵲爾雅謂之鷲水鵲似鵲而小烏純黑反哺者曰

鵲俗呼山鷲水鵲好在水邊烏慈烏腹白而不

反哺者曰鴉白項燕有白脰雀一名嘉賓又有黃

而羣飛者曰燕烏燕紫燕雀色者入九月稻田

間千百成百舌即反鴛鴦雌曰鴛搖鷓脊令也長

羣為黃雀百舌舌即反鴛鴦雌曰鴛搖鷓尾脊上青

灰色腹白頸下黑鳧俗呼鸛似鸛而巢樹者為白

飛則鳴行則搖鳧水鴨鸛似鸛而巢樹者為白

翡翠日翡翠雌曰翠也雄鷺鷥白鷺縷俗稱鷺鷓鴣杜

家家養烏鬼是畫眉似鶯而小其眉如畫紅鶴鷺

也能入水取魚畫眉巧於作聲如百舌黃頭雀似黃

類而翼夜鳩又名重姑其目夜光無尾黃頭雀似黃

下紅者夜鳩將旦則鳴其聲令人惡聞黃頭雀似黃

而善鬥人常白練即練鵲其尾有長白毛斷木爾

以籠繫之白練如練帶者亦呼拖白練斷木爾

謂之鴛啄如錐鳩古謂之啾啾鳥今名入歌五

長啄木食蟲鳩月五日翦其舌端使圓教令

鱗之屬

鯉脊旁鱗皆鱧頭大而肥詩謂鮒鮒也似金鮒即

鱧三十有六鱧之鱧或謂之鮒鮒而小金鮒即

鱧魚肥矮而尾三歧者鰻俗呼鰻鮓俗呼泥鱗爾

名三尾魚又名鴨蛋魚鰻俗呼鰻鮓俗呼泥鱗爾

鱧亦作鱧似蛇無鱗於淺鰻鰻味腴鮓雅鮓鮓是也

鱧水中作窟夏出冬蟄鰻鰻

介之屬

龜俗名蚌蟹溪澗中皆有之螺爾雅謂

有田螺團魚蚌殼堪蟹但小如螯蟻螺爾雅謂

溪螺



蟲之屬

蛇 有水居草居二種惟鳥蛇不螫 蜥蜴 俗呼泉龍  
 人青竹蛇與竹同色俱可入藥 蛙 俗呼石鴨之  
 呼壁虎 俗蟾蜍 即蝦蟆腹下有丹 蜘蛛 有土蜘蛛蠶者  
 在石窟者日宿夜出 蜈蚣 有草蜘蛛蠶者  
 舉火獲之味甚美 螢 俗呼火蟋蟀 俚語云促  
 種蜂 有大蜂細腰蜂惟螢 俗呼火蟋蟀 俚語云促  
 驚是也其雄 蟬 小者謂絡緯 俗呼紡 班 貓 博雅所  
 而健者善鬥 之茅蠶 絡緯 織娘 謂盤螿  
 晏青也

畜擾之屬

馬 驢 騾 牛 有黃牛水牛二種 犛牛之黃者  
 名黃牛水牛古所謂吳牛色青


倉大腹銳頭 羊 所產者山羊而所畜者 羴 洪潛夫  
 角若擔矛 多吳羊今謂之綿羊 云徽人  
 多於入臘前後宰豕貯甕中醃糟沃近兩旬出  
 而燎之乾略帶濡懸突上或當風處名曰火肉亦  
 曰臘肉方輿記 貓 亦名犬 埤雅大者為鶩 爾雅謂  
 火肉為民之珍 烏員 犬小者為狗 鶩之舒雁  
 鴨 鶩一名鴨清異 雞 高而善鬥者所謂魯雞也烏  
 錄謂之滅腳鶩 雞 冠珥皆青肉色如墨食之  
 能已 病

貨之屬

棉花 花雖不及廣 苧布 極工緻 竹扇 竹極  
 產織造頗精 雨傘 耐久 細外  
 糊紗或綾或 紙貨者甚衆







亲者原元

卷三

三

